

四庫全書

集部

欽定四庫全書

山中白雲詞卷四

宋 張炎 撰

聲聲慢

已亥歲自台回杭雁旅數月復起遠興余冉冉

老矣誰能重寫舊遊編否

穿花省路傍竹

一作問市

尋鄰如何故隱都荒問取堤邊

一作

認得
西林

因甚減却垂楊消磨縱然未盡滿煙波添了斜陽

空

一作助

嘆息又翻成無限杜老淒涼

一舸清凌

一作凌

風

何處把秦山晉水分貯詩囊髮一作興已飄飄休問歲晚

空江松陵試招舊隱一作雨怕白鷗猶識清狂漸遡遠望

并州却是故鄉

杏花天

賦疎杏

湘羅幾剪黏新巧似過雨臙脂全少不教枝上春痕鬧
都被海棠分了帶柳色愁眉暗惱謾遙指孤村自好

一作路杏深巷明朝休起早空等賣花人到

醉落魄

柳侵闌角書簾風軟紅香泊一作落引人蝴蝶翻輕薄已

自關情和一作如夢近一作迎來惡眉梢輕把閒愁着如

今愁重眉梢弱雙眉不畫愁消却不道愁痕來傍眼邊
覺

甘州

題咸五雲雲山圖

過千巖萬壑古蓬萊招隱竟忘還想乾坤清氣霏霏冉

卷四
丹却在闌干洞戶來時不鎖歸水映花關只可自怡悅
持寄應難 狂客如今何處甚酒船去後煙水空寒正
黃塵沒馬林下一身閒幾消凝此圖誰畫細看來元不
是終南無心好休教出岫只在深山

小重山

賦雲屋

清氣飛來望似空數椽何用草膝堪容捲將一片當簾
櫳難持贈只在此山中 魚影倦隨風無心成雨意又

西東都緣窗戶自玲瓏江楓外不隔夜深鐘

聲聲慢

西湖

別本作與王碧山泛舟鑑曲王蔭隱吹簫
余倚歌而和天闊秋高光景奇絕與姜白

石垂虹夜游

同一清致也

晴光轉樹曉氣分嵐何人野渡橫舟斷柳枯蟬涼意正
滿西州匆匆載花載酒便無情也自一作是風流芳晝短

奈不堪深夜秉燭來遊誰識山中朝暮向白雲一笑
今古無愁散髮吟商此興萬里悠悠清狂未應似我倚

高寒隔水呼鷗須待月許多清情一作都付與秋

木蘭花慢

為靜春賦

幽棲身懶動遠庭宇日偏長甚不隱山林不喧車馬不
斷生香澄心淡然止水笑東風引得落花忙慵對魚翻
暗藻閒留鶯管垂楊徜徉淨几明窗穿窈窕染芬芳
看白鶴無聲蒼雲息影物外行藏桃源去塵更遠問當年
何事識漁郎爭似重門晝掩自看生意池塘

玉蝴蝶

賦玉繡毬花

留得一團和氣此花開盡

一作後

春已規圓虛白窗深恍

訝碧落星懸颺芳叢低翻雪羽凝素豔爭簇冰蟬向西

園幾回錯認明月秋千

欲覓生香何處盈盈一水空

對娟

一作嬋

娟待折歸來倩誰偷解玉連環試結取鴛鴦

錦帶好移傍鸚鵡珠簾晚階前落梅無數因甚啼鵲

南樓令

壽邵素心席間賦

一片赤城霞無心戀海涯
遠飛來喬木人家且向琴書
深處隱終勝似聽琵琶
休近七香車年華已破瓜
怕依然劉阮桃花欲問長生
何處好金鼎內轉丹砂

國香

賦蘭

空谷幽

一作佳

人曳冰簪霧帶古色生

一作意融

春結根未同

一作倦隨

蕭艾獨抱孤

一作幽

貞自分生涯淡薄隱蓬蒿甘老

山林風煙伴

憔悴

一作共榮瘁

冷落吳宮草暗花深

霽痕

消蕙雪向厓陰

飲露應

一作不

是知心

一作褪新芽小碧飲露厓陰

所

思何處愁滿楚水湘雲肯信

一作不道

遺芳千古尚依依澤

畔行吟香痕

一作嬌

已成夢短操誰彈月冷瑤琴

探春

已亥客闔閭歲晚江空暖雨奪雪篝燈顧影依

依可憐作此曲寄戚五雲書之幾脫腕也

別本

奪雪下有嘆時序之侵尋也七字無篝燈以下數句

列屋烘爐深門響竹催殘客裏時序投老情懷薄遊滋

味消得幾多凄楚聽雁聽風雨更聽過

一作得一作偏

數聲柔

櫓暗將一點歸心試託醉鄉

一作鄉書

分付

借

一作試

問

一作作

十二西樓在否休忘了盈盈端正窺戶鐵馬春冰柳蛾晴

雪

一作柳雪禁蟬簾冰却燕一作簾却蟬冰柳縈蛾雪

次第滿城

一作趁時

簫鼓閒見

誰家月渾不記舊遊

一作聞燈一作故人

何處伴我微吟恰有梅

花一樹

燭影搖紅

答邵素心

隔水呼舟采香何處追遊好
一年春事二分花猶有花
多少容易繁華過了
趁園林飛紅未掃舊醒新醉幾
日不來綠陰芳草

別本

隔水呼舟細聽人語吹笙道
一年春事二分花猶
有春多少容易芳菲過了
趁園林香塵未掃古

樓窺燕山谷調鶯玉酣紅鬧

木蘭花慢

丹谷園

萬花深處隱安一點世塵無步翠麓幽尋白雲自在流
水縈紆攜壺緩遊細賞倩何人重寫輞川圖遲日香生
草木淡風聲和琴書安居歌引巾車童放鶴我知魚
看靜裏閒中醒來醉後樂意偏殊桃源帶春去遠有園
林如此更何如回首丹光滿谷恍然却是蓬壺

意難忘

中吳車氏號秀卿樂部中之翹楚者歌美成曲

得其音旨余每聽輒愛嘆不能已因賦此以
贈余謂有善歌而無善聽雖抑揚高下聲字
相宣傾耳者指不多屈曾不若春蚓秋蛩爭
聲響于月籬煙砌間絕無僅有余深感於斯
為之賞音豈亦善聽者耶

風月吳娃柳陰中認得第二一作香車春深妝減豔波

轉影流花鶯語滑

一作
澀

透紋紗

一作剪
紛譁

有低唱人誇

一作

雲暖聚
紋紗

怕誤却周郎醉

一作
顧

眼倚扇佯

一作
低

遮底須

拍碎

一作擊碎
一作碎擊

紅牙聽曲終奏雅可是堪嗟無人知此

意明月又誰家塵滾滾老年華付情

恨一作

在琵琶更嘆

我黃蘆苦竹萬里天涯

別本

槐柳陰斜偶相逢第二香車春深腮減素波轉眼

流花鶯語滑隔窗紗片雲駐簷牙似暗把琴心待

許扇影還遮吳歛謾說雛娃聽曲終奏雅可是

堪嗟無人知此意明日又誰家塵滾滾老年華賦

情在琵琶更嘆我青衫易濕萬里天涯

壺中天

養拙園夜飲

瘦筇訪隱正繁陰閒鎖一壺幽綠喬木

一作山色

蒼寒圖畫

古窈窕行人韋曲鶴響天高水流花淨笑語通華屋虛

堂松外夜深涼氣吹燭樂事楊柳樓心瑤臺月下有

生香堪掬誰理商

一作簫

聲簾外

一作戶

悄蕭瑟懸璫鳴玉

一笑難逢四愁休賦任我雲邊宿倚欄歌罷露螢飛上

秋竹

前調

賦香野園清暉堂

別本作為陸義齋賦清暉山堂

穿幽透密傍園林宴樂清時鐘鼓簾隔波紋分畫影一作

靜融得一壺春聚篆徑通花花多迷徑難省來時路緩

尋深靜

一作密

野雲松下無數

空翠暗濕荷

一作人

衣夸

猶舒嘯日涉成佳趣香雪因風晴更落知是山中何樹

響石橫琴懸厓擁

一作小

檻待月慵歸去忽來詩思水田

飛下白

一作霜

露疑驚

清波引

橫舟是時以湖湘廉使歸

別本作橫舟湖湘就賦送別廉使

江濤如許更一夜聽風聽雨短篷容與盤礴那堪數弭

節澄江

一作扶疎

樹不為尊鱸歸去怕教冷落蘆花誰招得

舊鷗鷺

寒汀

一作洲

古溆

一作斷浦

盡日無人喚渡此中清

楚寄情在譚塵難覓真閒處肯被水雲留住冷然棹入

中流去

一作近

天尺五

暗香

送杜景齋歸永嘉

猗蘭

一作倚闌

聲歇抱孤琴思遠幾番彈徹洗耳無人寂寂

行歌古時

一作城

月一笑東風又急黯銷凝

一作魂

恨聽啼

鳩想少陵還嘆飄零遣

一作遺

興在吟篋

愁絕更離

一作

愁

別待款語遲留

一作微吟

賦歸心切故園夢接花暗閒門

掩春

一作飛

蝶重訪山中舊隱有羈懷未須輕說莫相忘

堤上柳此時共折

一萼紅

東季博園池在平江文廟前

艤孤篷正叢篁護碧流水曲池通
偃僂穿巖紆盤尋徑忽見倒影凌空
擁一片花陰無地細看來猶占舊春風
勝事園林舊家陶謝詩酒相逢
眼底煙霞無數料神仙即我何處崆峒
清氣分來生香不斷洞戶自有雲封
認奇字摩挲峭石聚萬景只在此山中
人倚虛闌喚鶴月白千峰

霜葉飛

悼澄江吳君立齋南塘不礙雲山皆其亭名

故園空杳霜風勁南塘吹斷瑤草已無清氣礙雲山奈

此時懷

一作情

抱尚記得修門賦曉杜陵花竹歸來早傍

雅亭幽榭慣款語英遊好懷無限歡笑不見換羽移

商杏梁塵

一作聲

遠可憐都付殘照坐中泣下最誰多嘆

賞音人少悵一夜梅花頓老今年

一作日

因甚無詩到待

喚起

一作醒

清魂說與淒涼定應

一作也

教愁了

憶舊遊

寄友

記瓊筵卜夜錦檻移春同惱鶯嬌暗水流花徑正無風
院落銀燭遲銷闌枝淺壓髻髻香臉泛紅潮甚如此遊
情還將樂事輕趁冰消飄零又成夢但長歌嫋嫋柳
色迢迢一葉江心冷望美人不見隔浦難招認得舊時
鷗鷺重過一作見月明橋遡萬里天風清聲謾憶何處鷺
簫

木蘭花慢

舟中有懷澄江陸起潛皆山樓昔遊

澄江即江陰

水痕吹杏雨正人在隔江船看燕集春

一作深

燕漁棲暗

竹濕影浮煙餘寒尚猶戀柳怕

一作怯

東風未肯擘晴綿

愁重遲教醉醒夢長催得詩圓

樓前笑語當年情款

密思留連記白月依弦青天墮酒袞袞山川垂髻至今

在否倚飛臺誰擲買花錢不是尋春較晚都緣聽得啼

鴟

瀟湘雨

泛江有懷袁通父唐月心

空山彈古瑟，掬長流，洗耳復誰聽。
倚闌干，不語江潭樹老，風挾波鳴。
愁裏不須啼鴂，花落石牀平。
歲月鷗前夢，耿耿離情。
記得相逢竹外，看詞源倒瀉，一雪塵纓。
笑匆匆呼酒，飛雨夜舟行。
又天涯零落如此，掩閒門，得似晉人清。
相思恨，一作眼趁楊花去，錯到長亭。

臺城路

抵吳書寄舊友

分明柳上春風眼曾看

一作見

少年人老雁拂沙黃天垂

海白

一作碧

野艇誰家昏曉驚心夢覺謾慷慨悲歌賦歸

不早想得相如此時

一作生

終是倦游了

經行幾度怨

別酒痕消未盡空被花惱茂苑重來竹溪深隱還勝飄
零多少羈懷頓掃尚識得妝樓那回蘇小寄語盟鷗問
春何處好

木蘭花慢

趙鶴心問余近况書以寄之

目一作月光牛背上更時把漢書看記落葉江城孤雲海

樹漂泊忘還懸知偶然是夢夢醒來未必是一作失邯鄲

笑指螢燈借暖愁憐鏡雪驚寒投閒寄傲怡顏要一

似白鷗閒且旋緝荷衣琴尊客裏歲月人間菟裘漸營

瘦竹任重門近水隔花關數畝清風自足元來不在深

山

瑤臺聚八仙

杭友寄聲以詞答意

秋水

一作渚

涓涓人

正

遠魚雁待拂吟箋也知游意

一作事

多第二橋邊花底

鶯鶯深處影

一作睡

柳陰澹隔裏湖

船路綿綿夢吹舊箇

一作曲

如此山川

平生幾兩謝屐

任放歌自得直上風煙峭壁誰家長嘯竟落松前十年

孤劍萬里又何似畦分抱甕泉中山酒且醉食石髓白

眼青天

摸魚子

寓澄江喜魏叔臯至

想西湖斷橋疎樹梅花多是風雨如今見說閒雲散煙
水少逢鷗鷺歸未許又款竹誰家遠思愁徐庾重遊倦
旅縱認得鄉山長江袞袞隔浦正延佇垂楊渡握手
荒城舊侶不知來自何處春窗剪韭青燈夜疑與夢中
相語闌屢拊甚轉眼流光短髮真堪數從教醉舞試借
地看花揮毫賦雪孤艇且休去

壺中天

陸性齋築葫蘆庵結茅於上植桃於外扁曰小

蓬壺

海山縹緲算人間自有移來蓬島一粒粟中生倒景日
月光融丹竈玉洞分春雪巢不夜心寂凝虛照鶴溪遊
處肯將琴劍同調休問挂樹瓢空窗前清意贏得不
除草只恐漁郎曾悞入翻被桃花一笑潤色茶經評量
山水如此閒方好神仙陸地長房應不知道

風入松

題澄江仙刻海山圖或云桃源圖夸堅志云

七十二女仙正合霓裳古曲仇仁近一詩精

妙詳盡余詞不能工也

別本海山作水仙

危

一作迷

樓古鏡影猶寒倒景忽相看桃花不識東西晉

想如今也夢邯鄲縹緲神仙海上飄零圖畫人間寶
光丹氣共回環水弱小舟閒秋風難老三珠樹尚依依
脆管清彈說與霓裳莫舞銀橋不到深山

數花風

別本作鳳凰閣

別義興諸友

好遊人老秋鬢蘆花共色征衣猶戀

一作是

去年客古道

依然黃葉誰家蕭瑟自笑我如何是得 酒樓仍在流

落天涯醉白孤城寒樹美人隔煙水此去程應遠須尋

梅驛又漸數花風第一

南樓令

風雨怯

一作客

殊鄉梧桐又

一作傍

小窗甚秋聲今夜偏長

憶着舊時歌舞地誰得似牧之狂

茉莉擁釵梁雲窩

一枕香醉夢騰多少思量明月半牀人睡

一作夢

覺醒一作

聽說道夜深涼

前調

送崇一峯遊靈隱

別本無崇字

重整舊漁蓑
江湖風雨多
好襟懷
近日消磨流水桃花
隨處有終不似隱烟蘿
南浦又漁一作離歌
桃雲汎遠
波想孤山山下經過
見說梅花都老盡
憑為一作與問是如何

淡黃柳

贈蘓氏柳兒

楚腰一捻羞剪青絲結力未勝春嬌怯怯暗託鶯聲細
說愁蹙眉心鬪雙葉正情切柔枝未堪折應不解管
離別奈一作謾如今已入東風睫望斷章臺馬蹄何處閒
了黃昏淡月

清平樂

候蛩淒斷人語西風岸月落沙平江似練一作流水慢望盡

一作猶自蘆花無鴈暗教愁損蘭成可憐一作都綠夜夜闌一作

閨情只有一枝一作株梧葉一作桐樹不知多少秋聲

虞美人

余昔賦柳兒詞今有杜牧重來之嘆劉夢得詩
云春盡絮飛留不住隨風好去落誰家作憶

柳曲

修眉刷翠春痕聚難剪愁來處斷絲無力綰韶一作繁華

也學落紅流水到天涯那回錯認章臺下一作樹却是

陽關也一作路待將新恨一作心趁楊花不識相思一點在

誰家

減字木蘭花

寄車秀卿

鎖香亭榭花豔烘春曾卜夜空想芳遊不到秋涼

一作深

不信愁

酒漏

一作

遲歌

一作聲

緩月色平分窗一半誰伴

孤吟手擘黃花碎却心

踏莎行

柳未三眠風纔一汎催人步屨吹笙徑可曾中酒似當時
如今却是看花病老願春遲愁嫌晝靜秋千院落

寒猶刺捲簾休問海棠開相傳燕子歸來近

南鄉子

憶春

歌扇錦連枝問着東風已不知怪底樓前多種柳相思
那葉渾如舊樣眉醉裏眼都迷遮莫東牆帶笑窺行
到尋常遊冶處慵歸只道看花似向時

蝶戀花

贈楊柔卿

別本作
贈愛卿

頗愛楊瓊妝淡注，猶理螺鬟擾擾鬆。雲聚兩剪秋痕流，
不去佯羞却把周郎顧。欲訴一作多少閒愁，無說處。幾過
鶯簾聽得間關語。昨夜月明香暗度，相思忽到梅花樹。

前調

陸子方飲客杏花下

仙子鋤雲親手種，春闌枝頭消得微霜凍。可是東風吹
不動，金鈴懸網珊瑚重。社燕盟鷗詩酒共，未足游情
剛把斜陽送。今夜定應歸去夢，青蘋流水簫聲弄。

前調

賦艾花


巧結分枝黏翠艾剪剪香痕細把泥金界小簇葵榴芳
錦隘紅妝人見應須愛午鏡將拈開鳳蓋倚醉凝嬌
欲戴還慵戴約臂猶餘朱索在梢頭添掛朱符袋

清平樂

贈處梅

暗香千樹結屋中間住明月一方流水護夢入梨雲深

處 清冰隔斷塵埃無人踏碎蒼苔一自逋仙歸後吟
詩不下山來



山中白雲詞卷四

欽定四庫全書

集部

山中白雲詞卷五

六五

詳校官編修_臣周瓊

侍讀_臣孫球覆勘

總校官庶吉士_臣何思鈞

校對官中書_臣金光悌

謄錄監生_臣黃廷璧

欽定四庫全書

山中白雲詞卷五

宋 張炎 撰

燭影搖紅

隔窗聞歌

閒

一作闌

苑深迷

一作沈

趁香隨粉

一作蝶

都行遍隔窗花氣

暖扶春只許鶯鶯占燭燄晴烘醉臉想東鄰偷窺笑眼

欲尋無處暗掐

一作拍一作播

新聲銀屏斜掩

一片雲閒

一作作

那知顧曲周郎怨看花猶自未分明畢竟何時見已

信仙緣較淺謾凝思風簾倒捲出門一笑月落江橫數
峰天遠

露華

碧桃

亂紅自雨正翠蹊誤曉玉洞明

一作鳴

春蛾眉淡掃背風

不語盈盈莫恨小溪流水引劉郎不

一作渾

是飛瓊羅扇

底從教淨冶遠障歌塵一掬瑩然生意伴壓架醅醪

相惱芳吟玄都觀裏幾回錯認梨雲花下

一作外

可憐仙

子醉東風猶自吹笙殘照晚漁翁

一作郎

正迷武陵

解語花

吳子雲家姬號愛菊善歌舞忽有朝雲之感作

此以寄

行歌趁月喚酒延秋多買鶯鶯笑蕊枝嬌小渾無奈一
掬醉鄉懷抱籌花鬪草幾曾放好春閒了芳意闌可惜
香心一夜酸風掃海上仙山縹緲問玉環何事苦無分
曉舊愁空杳藍橋路深掩半庭斜照餘情暗惱都緣是

那時年少驚夢回懶說相思畢竟如今老

祝英臺近

余老矣賦此為猿鶴問

及春遊卜夜飲人醉萬花醒轉眼

一作首

年華白髮半

一作

颯

垂領與鷗同一清波風蘋

一作賓

月樹

一作友

又何事浮

蹤不定

靜中省便須門掩柴桑黃卷伴孤隱一粟生

涯樂事

一作意

在瓢飲愛閒休說山深有梅花處更添個

暗香疎影

瑤臺聚八仙

菊日寓義興與王覺軒會飲酒中書送白廷玉

楚竹閒挑千日酒樂意稍稍漁樵那回輕散飛夢便覺

迢遙似隔芙蓉無路

一作夢

到如何共此可憐宵舊愁消

故人念我來問寂寥

登臨試開笑口看垂垂短髮破

帽休

一作輕

飄款語微吟清氣

一作風

頓掃花妖明朝柳岸

醉醒又知在煙波第幾橋懷人處任滿身風露踏月吹

簫

滿江紅

贈韞玉傳奇惟吳中子弟為第一

傅粉何郎比玉樹瑤枝謾誇看

闕

東塗西抹笑語浮

華蝴蝶一生花裏活似花還似恐非花最可人嬌豔正

芳年如破瓜

離別

闕

生嘆嗟歡情事起諠譁聽歌喉

清潤片玉無瑕洗盡人間笙笛耳賞音多向王侯家好
思量都在步蓮中裙翠遮

摸魚子

別處梅

向天涯水流雲散依依往事非

一作如

舊西湖見說鷗飛

去知有海翁來否風雨後甚客裏逢春尚記

一作飲

花間酒

空嗟皓首對茂苑殘紅攜歌占地相趁小垂手歸時

候花徑青紅

一作松

尚有好遊何事詩瘦龜蒙未肯尋幽

興曾戀志和漁叟吟嘯久愛如此清奇歲晚忘年友呼
船渡口嘆西出陽關故人何處愁在渭城柳

南鄉子

為處梅作

風月似孤山千樹斜橫水一環天與清香心獨領怡顏
冰雪中間屋數間庭戶隔塵寰自有雲封底用關却
笑桃源深處隱躋攀引得漁翁見不難

南樓令

送韓竹間歸杭并寫未歸之意

一見又天涯人生可嘆嗟想難忘江上琵琶詩酒一瓢
風雨外都莫問是誰家憐我鬢先華何愁歸路賒向

西湖重隱煙霞說與山童休放鶴
最零落是梅花

醉落魄

題趙霞谷所藏吳夢窗親書詞卷

鏤花鐫葉滿枝風露和香擷
引將芳思歸吟篋夢與魂

同一作消閒了弄香蝶
小樓簾捲歌聲歇幽篴獨處泉

鳴咽短一作錦箋空一作定
在愁難說霜角寒梅吹碎半江

月

壺中天

客中寄友

西秦倦旅是幾年不聽西湖風雨我托長鑱垂短髮心
事時看天語吟篋空隨征衣休換薜荔猶堪補山能招
隱一瓢閒挂煙樹方嘆舊國人稀花間忽見傾蓋渾
如故客裏不須談世事野老安知今古海上盟鷗門深
款竹風月平分取陶然一醉此時愁在何處

聲聲慢

和韓竹間韻贈歌者關關在兩水居

鬟絲濕霧扇錦翻桃尊前乍識歐蘇賦筆吟牋光動萬
顆驪珠英英歲華未老怨歌長空擊銅壺細看取有飄
然清氣自與塵疎兩水猶存三徑嘆綠窗窈窕謾長
新蒲茂苑扁舟底事夜雨江湖當年柳枝放却又不知
樊素何如向醉裏暗傳香還記也無

清平樂

題處梅家藏所南翁畫蘭

別本作所南翁詩書之暇為屈平寫真一

片古意照耀心目然不然是不
是君其問賈長沙於湘水之濱

黑雲飛起夜月啼湘鬼魂返靈根無二紙千古不隨流水
薌心淡染清華似花還似非花要與閒梅相處孤
山山下人家

臺城路

餞于壽道應舉

幾年槐市槐花冷天風又還吹起故篋重尋閒書再整
猶記燈窗滋味渾如夢裏見說道如今早催行李快買
扁舟第一橋邊趁流水陽關須是醉酒柳條休要折

爭似攀桂舊有家聲榮看世美方了平生英氣瓊林宴
喜帶雪絮歸來滿庭春意事業方一作才新大鵬九萬里

壺中天

詠周靜鏡園池

萬塵自遠徑松存髣髴斜川深意烏石岡邊猶記得竹

裏吟安一字暗

一作密

葉禽幽

一作鶯巢

虛闌荷近暑薄遲花

氣行行且止枯瓢枝上閒寄不恨老却流光可憐歸

未得翻恨流水落落嶺頭雲尚在一笑生涯如此樹老

梅荒山孤人共隔浦船歸未劃然長嘯海風吹下空翠
如夢令

處梅列芍藥於几上酌余不覺醉酒陶然有感
隱隱煙痕輕注拂拂脂香微度十二小紅樓人與玉簫
何處歸去歸去醉插一枝風露

祝英臺近

寄陳直卿

路重尋門半掩苔老舊時樹采藥雲深童子更無語怪

我流水迢遙湖天日暮想只在蘆花多處 謾延佇姓
名題上芭蕉良夜未風雨賦了秋聲還賦斷腸句幾回
獨立長橋扁舟欲喚待招取白鷗歸去

如夢令

題漁樂圖

不是瀟湘風雨不是洞庭煙樹醉倒一作到古乾坤人在
孤篷來處休去休去見說桃源無路

桂枝香

如心翁置酒桂下花晚而香益清坐客不談俗
事惟論文主人歡甚予歌美成詞

琴書半室向桂邊偶然一見秋色老樹香遲清露綴花
疑滴山翁翻笑如泥醉笑生平無此狂逸晉人遊處幽
情付與酒尊吟筆任蕭散披襟岸幘嘆千古猶今休
問何夕髮短霜濃却恐浩歌消得明年野客重來此探
枝頭幾分消息望西樓遠西湖更遠也尋梅驛

瑤臺聚八仙

為焦雲隱賦

春樹江頭

一作東

吟正遠清氣竟入崆峒問余栖處只在

縹緲山中此去山中何所有芰荷製了集芙蓉且扶筇
倦遊萬里獨對青松行藏也須在我笑晉人為菊出
岫方濃淡然無心古意且許誰同飛符夜深潤物自呼
起蒼龍雨太空舒還卷看滿樓依舊霽日光風

前調

余昔有梅影詞今重為模寫

近水橫斜先得月玉樹宛若籠紗散跡苔_{一作痕}墨暈

淨洗鉛華誤入羅浮身外夢似花又却_{一作却又}似非花探

寒葩倩人醉裏扶過溪沙竹籬幾番倦倚看乍無乍

有如寄生涯更好一枝時到素壁簷牙香深與春暗却

且休把江頭千樹誇東家女試淡妝顛倒難勝西家

前調

詠鴛鴦菊

老圃堪嗟深夜雨紫英猶傲霜華暖宿籬根飛去想怯

寒沙采摘浮杯如戲水晚香淡似夜來些背風斜翠苔
徑裏描繡人誇白頭共開笑口看試妝滿插雲髻雙
了蝶也休愁不是舊日疎葩連枝願為比翼問因甚寒
城獨自花悠然意對九江正色還醉陶家

西江月

絕妙好詞乃周草窗所集也

花氣烘人尚暖珠光出海猶寒如今賀老見應難解道
江南腸斷謾擊銅壺浩歎空存錦瑟誰彈莊生蝴蝶

夢春還簾外一聲鶯喚

霜葉飛

毘陵客中聞老妓歌

繡屏開了驚詩夢
嬌鶯啼破春梢穩
將譜字轉清圓正
杏梁聲繞看帖帖蛾眉淡
掃不知能聚愁多少
嘆客裏淒涼
尚記得當年雅音低唱
還好同是流落殊鄉相
逢何晚
坐對真被花惱
貞元朝士已無多
但暮煙衰草
未忘得春風窈窕
却憐張緒如今老
且慰我留連意莫

說西湖那時蘇小

蝶戀花

題末色褚仲良寫真

濟楚衣裳眉目秀活脫梨園子弟家聲舊譚砌隨機開
笑口筵前戲諫從來有 夏玉敲金裁錦繡引得傳情
惱得嬌娥瘦離合悲歡成正偶明珠一顆盤中走

甘州

為小玉賦梅并東韓竹間

見梅花斜倚竹籬邊，休道北枝寒翠袖。
情隨眼盼愁接眉彎，一串歌珠清潤綰。
結玉連環，蘇小無尋處，元在人間。
何事淒涼，蚓竅向尊前一笑歌倒狂瀾。
嘆從來古雅欲覓賞音，難有如此和聲軟語。
甚韓湘風雪度藍關，君知否，挽櫻評柳，却是香山。

澄江陸起潛皆山樓四景

甘州

雲林遠市

君山下枕江流，為羣山冠冕塔院居乎絕頂，舊有浮遠堂，今廢。

俯長江不占洞庭波山拔地形高對扶疎古木浮圖倒

影勢壓雄

一作洪

濤門掩翠微僧院應有月明敲物換堂

安在斷碣閒拋不識廬山真面是誰將此屋突兀林

垌上層臺回首萬境入詩豪響天心數聲長嘯任清風

吹頂髮蕭騷凭闌久青琴何處獨立瓊瑤

瑤臺聚八仙

千巖競秀

澄江之山岸律清麗奔駛相觸自北而東由東而南令人應接不暇其秀

氣之所

鍾與

屋上青山青未了，淩虛試一憑闌。亂峰疊嶂無限古色。

蒼寒正喜雲閒，雲又

一作自

去。片雲未識我心閒，對林巒

底須謝屐何用躋攀。

三十六梯眺遠，任半空笑語飛

落人間。賦筆吟牋塵事竟不相關。朝來自然氣爽更好

是秋屏宜晚看蓬壺。

一作塵寰

裏有天開圖畫。

一作仙境

休喚邊

鸞

一作圖畫應難

壺中天

月湧大江

西有大江遠隔淮甸月白潮生神爽為之飛越

長流萬里與沈沈
滄海平分一水孤
白爭流蟾不沒影
落潛蛟驚起瑩玉
懸秋綠房迎曉樓
觀光疑洗紫簫聲
一作音嫋四簷吹下清氣
遙睇浪擊空明古
愁休問消長盈虛
理風入蘆花歌忽
斷知有漁舟閒艤
露已沾衣
鷗猶棲草一片瀟
湘意人方酣夢長
翁元自如此

臺城路

遙岑寸碧

澄江衆山外無錫惠峯在其南若地靈湧出不偏不倚處樓之正中蒼翠

橫陳足斯樓之勝境也

翠屏缺處添奇觀，修眉遠浮孤碧天。
影微茫，煙痕黯淡，不與千峰同色。
憑高望極，向簾幙中間，冷光流入料得。
吟僧數株松下坐，蒼石泉源猶是故跡。
煮茶曾味古還記游歷，調水符閒登山屐。
在却倚闌干，斜日輕清一作陰易失。
看飄忽風雲晦，明朝夕為我飛來傍江橫。
峭壁

江城子

為滿春澤賦橫空樓

下臨無地手捫天，上雲煙俯山川。
棲止危巢，不隔道林

禪坐處清高風

一作風高

雨隔全萬境一壺懸

我來直欲

挾飛仙海為田是何年如此江聲嘯詠白鷗前老樹無
根雲懵懂憑寄語米家船

木蘭花慢

游天師張公洞

風雷開萬象散

一作放

天影入虛壇

一作浸仙壇

看峭壁垂雲

奇峰獻玉光洗琅玕青苔古痕

一作根

暗裂映參差石乳

一作影

倒懸山那得虛無幻境元來透徹玄關

躋攀竟

日忘還空翠滴逼衣寒想邃宇陰陰爐存太乙難覓飛
丹冷然洞靈一作雲去遠甚千年都不到人間見說尋真
有路也須容我清閒

臺城路

為湖天賦

扁舟忽過蘆花浦閒情便隨鷗去水國吹簫虹橋問月
西子如今何許危闌漫撫正獨立蒼茫半空飛露倒影
虛明洞庭波映廣寒府魚龍吹浪自舞渺然凌萬頃

如聽風雨夜氣浮山晴暉蕩日一色無尋秋處驚鳬自
語尚記得當時故一作散人來否勝景平分此心游太古

月下笛

寄仇山村溧陽

千里行秋支筇背錦頓懷清友殊鄉聚首愛吟猶自詩

瘦山人不解思

一作愁

猿鶴笑問我章

一作蕭

娘在否記長

堤畫舫

一作西湖畫舫

花柔春鬧幾番

一作度

攜手

別後都依

舊但靖節門前近來無柳盟鷗尚有可憐西塞漁叟斷

腸不恨江南老恨落葉飄零最久倦遊處減羈愁猶未

消磨

一作忘情

是酒

臺城路

遷居

桃花零落玄都觀劉郎此情誰語鬢髮蕭疎襟懷澹薄
空賦天涯羈旅離情萬縷第一是難招舊鷗今一作新雨

錦瑟年華夢中猶記豔遊處依依心事最苦片帆渾
是月獨抱淒楚屋破容秋牀空對雨迷却青門瓜圃初

荷未暑嘆極目煙波又歌南浦燕忽歸來翠簾深幾許
惜紅衣

贈伎雙波

兩剪秋痕平分水影炯然冰潔未識新愁眉心倩人貼
無端醉裏通一笑柔花盈睫癡絕不解送情倚銀屏斜
瞥長歌短舞換羽移宮飄飄步回雪扶嬌倚扇欲把
豔懷說為語杜郎重到只慮空江桃葉但數峰猶在知
傍那家風月

滿江紅

澄江會大初李尹

江上相逢更秉燭渾疑

一作是

夢裏寂寞久瑟絃塵斷為

君重理紫綬金章都莫問醉中聊送擲揄鬼看滿頭白

雪欲消難

一作恐難消

春風起

雲一片身千里漂泊地東

西水嘆十年不見我生能幾慷慨悲歌驚淚落古人未必皆如此想今人愁似古人多如何是

壺中天

送趙壽父歸慶元

奚囊謝屐向芙蓉城下

闕

遊歷

一作息

江上沙鷗何所

似白髮飄飄行

一作間

客曠海

一作堊

乘風長波垂釣欲把

珊瑚拂近來楊柳却憐渾是秋色

日暮空想佳人楚

芳難贈煙水分明隔老病孤舟天地裏惟有歌聲消得

一作沒

故國荒城斜陽古道可奈花狼籍他時一笑似曾

何處相識

山中白雲詞卷五

欽定四庫全書

山中白雲詞卷六

宋 張炎 撰

紅情

疎影暗香姜白石為梅着語因易之曰紅情綠
意以荷花荷葉詠之

無邊香色記涉江自采錦機雲密剪剪紅衣學舞波心
舊曾識一見依然似語流水遠幾回空憶看

闕

倒影

窺妝玉潤露痕濕 閒立翠屏側愛向人弄芳背酣斜

日料應太液三十六宮土花碧清興後風更爽無數滿
汀洲如昔汎片葉煙浪裏卧橫紫笛

綠意

樂府雅詞以此
首作無名氏非

碧圓自潔向淺洲遠渚亭亭清絕猶有遺簪不展秋心
能捲幾多炎熱鴛鴦密語同傾蓋且莫與浣紗人說恐
怨歌忽斷花風碎却翠雲千疊回首當年漢舞怕飛
去謾縐一作指留仙裙摺戀戀青衫猶染拈香還嘆鬢絲
飄雪盤心清露如鉛水又一夜西風吹折喜靜看匹練

秋光倒寫半湖明月

虞美人

題陳公明所藏曲冊

黃金誰解教歌舞
留得當時譜
斷情殘意落人間
漢上行雲迷却舊巫山
妝樓何處尋樊素
空誤周郎顧
一簾秋雨剪燈看
無限羈愁分付玉簫寒

踏莎行

盧仝啜茶手卷

清氣厓深斜陽木末松風泉水聲相答光浮椀面啜先
春何須美酒吳姬壓頭上烏巾鬢邊白髮數間破屋
從蕪沒山中有此玉川人相思一夜梅花發

南鄉子

杜陵醉歸手卷

晴野事春遊老去尋詩苦未休一似浣花溪上路清幽
煙草纖纖水自流何處偶遲留猶未忘情是酒籌童
子策驢人已醉知否醉裏眉攢萬國愁

臨江仙

太白挂巾手卷

憶得沈香歌斷後，深宮客夢迢遙。硯池殘墨澣花妖。
青山人獨自早，不侶漁樵。石壁蒼寒巾尚挂，松風頂上
飄飄。神仙那肯混塵囂。詩魂元在此空，向水中招。

南樓令

雲冷未全開，簷冰雨汙苔。入花根、暖意先回。一夜綠房
迎曉白，空憶遍、嶺頭梅。如幻舊情懷，尋春上、吹臺正。

泥深十二香街且問謝家池畔草春必定幾時來

摸魚子

己酉重登陸起潛皆山樓正對惠山

步高寒下觀浮遠清暉隔斷風雨醉魂誤入滁陽路落
莫不知何處闌屢拊又却是秋城自有芙蓉主重遊倦
旅對萬壑千巖長江巨浪空翠灑衣屨景如許都被
樓臺占取晴巒暖霽朝暮乾坤靜裏閒居賦評泊水經
茶譜留勝侶更底用林泉曳杖尋桑苧休休訪古看排

聞青來書牀嘯詠莫向惠峰去

澄江又名芙蓉城

臺城路

陸義齋壽日自澄江放舟清遊吳山水間散懷

吟眺一任所適所之既倦乘月夜歸太白去

後三百年無此樂耶

清時樂事中園賦怡情楚花湘草秀色通簾生香聚酒
修景常留池沼閒居自好奈車馬喧塵未教閒了把菊
清遊冷紅飛下洞庭曉尋泉同步翠杏更將秋共遠

書畫船小款竹誰家盟鷗某水白月光涵圓嶠天浮浩
渺稱綠髮飄飄遡風舒嘯緩築堤沙渭濱人未老

華胥引

錢舜舉幅紙畫牡丹梨花牡丹名洗妝紅為賦

一曲並題二花

溫泉浴罷酣酒繞甃洗妝猶濕薄暮雲深

一作無語憑嬌瑤臺

月下逢太白素衣

初一作猶

染天香對東風傾國惆悵東

關炯然玉樹獨立

只恐江空

一作雲

頓忘却錦袍清逸

柳迷歸院欲遠花妖未得誰寫一枝淡雅

一作誰道玉容寂寞

傍沈

香亭北說與鶯鶯怕人錯認秋色

一作搔首狂歌動人一片春色

風入松

聽琴中彈樵歌

松風掩晝隱深清流自泠泠一從柯爛歸來後愛絃
聲不愛枰聲頗笑山中散木翻憐爨下勞薪透雲遠
響正丁丁孤鳳劃然鳴疑行嶺上千秋雪語高寒相應
何人回首更無尋處一江風雨潮生

浪淘沙

秋江

萬里一飛蓬吟老丹楓潮生潮落海門東
三兩點鷗沙外月閒意誰同
一色與天通絕去塵紅漁歌忽斷荻
花風煙水自流心不競長笛霜空

夜飛鵲

大德乙巳中秋會仇山村於溧陽酒酣興逸各
隨所賦余作此詞為明月明年佳話云

林霏散浮暝河漢空雲都綠水國秋清綠房一夜迎向
曉海影飛落寒冰蓬萊在何處但危峰縹緲玉籟無聲
文簫素約料相逢依舊花陰登眺尚餘佳興零露下
衣襟欲醉還醒明月明年此夜頽頽萬里同此陰晴霓
裳夢斷到如今不許人聽正婆娑桂底誰家弄笛風起
潮生

風入松

為山村賦

晴嵐暖翠護煙霞喬木晉人家幽居只恐歸圖畫喚樵
青多種桑麻門掩推敲古意泉分冷淡生涯無邊風
月樂年華留客可茶瓜任他車馬雖嫌僻笑喧喧流水
寒鴉小隱正宜深靜休栽湖上梅花

石州慢

書所見寄子野公明

野色驚秋隨意散愁踏碎黃葉誰家籬院一作下閒花似

語試

一作弄

妝嬌

一作羞

怯行行步影未教背寫腰肢一搦

猶一作還立門前雪依約鏡中春又無端輕別癡絕漢

臯何處解珮一作珮解何人底須情切空一作勾引東鄰遺恨

丁香空結十年舊夢謾一作尚餘恍惚雲窗可憐不是當

一作舊時蝶深夜醉醒來好一庭風月一作好但

為伯壽題四花

清平樂

牡丹

百花開後一朵疑堆繡絕色年年常似舊因甚不隨春



瘦 脂痕淡約一作掃蜂黃可憐獨倚新妝太白醉遊何處定應忘了沈香

點絳脣

芍藥

獨殿春光此花開後無花了丹青人巧不許芳心老
密影翻堦曾為尋詩到竹西好采香歌杳十里紅樓小

卜算子

黃葵

一名側金盞

雅淡淺深黃
顧影歌秋雨
碧帶猶皺筍
指痕一作信手拈來一笑

閒不解擎芳醕
休唱古陽關一作憔悴玉川人
如把相思鑄

却憶一作似銅盤露已乾
愁在傾心處

蝶戀花

山茶

花占枝頭快日焙金汞
初抽火鼎一作鼎暖
鉛華退還似癡

痕塗獺髓胭脂淡抹微一作透纔
葩一作葩酣醉
數朶折來春檻

外欲染清香只一作不
許梅相對
不是臨風珠蓓蕾
山童

隔竹休敲碎

新雁過妝樓

乙巳菊日寓溧陽聞雁聲因動眷令之感

徧插茱萸人何處客裏頓懶攜壺雁影涵秋一作驚寒絕似

暮雨相呼料得曾留堤上月舊家伴侶有書無謾嗟吁

數聲怨抑翻致無書誰識一作笑飄零萬里更可憐倦

翼同此江湖飲啄關心知是近日何如陶潛尚存菊徑

且休羨松風陶隱居沙汀冷揀寒枝不似煙水黃蘆

洞仙歌

寄茅峰梁中砥

中峰

一作流

壁立掛飛來

一作蓬萊

孤劒蒼雪紛紛墮晴巖自

當年詩酒客裏相逢春尚好鷗散煙波茂陵苑

只

一作

祇

今誰最老種玉人間消得梅花共清淺問我入山期

但恐山深松風把紅塵吹

一作分

斷望蓬萊

一作弱水

知隔幾

重雲料只隔中間白雲一片

風入松

題蔣道錄溪山堂

別本道錄
作山泉

門前山可久長看留住白雲難溪虛却與雲相傍對白

雲何必深

一作居

山爽氣潛生樹石晴光竟入闌干舊

家三徑竹千竿蒼雪拂衣寒綠蓑青笠玄真子釣風波

不是真閒得

一作何

似壺中日月依然只在人間

小重山

題曉竹圖

淡色分山曉氣浮疎林猶剩葉不多秋林深彷彿昔曾

遊頻喚酒漁屋岸西頭 不礙此凝眸
朦朧清影裏過扁舟行行應到白蘋洲
煙水冷傳語舊沙鷗

浪淘沙

題許由擲瓢手卷

拂袖入山阿深隱松蘿掬流洗耳厭塵多
石上一般清意味不羨漁蓑 日月靜中過
俗慮消磨風瓢分付與清波却笑唐求因
底事無奈詩何

憶王孫

謝安碁墅

爭碁賭墅意欣然心似遊絲颺碧天只為當時一着先
笑符堅百萬軍聲屐齒前

蝶戀花

邵平種瓜

秦地瓜分侯已故不學淵明種秫辭歸去薄有田園還
種取養成碧玉甘如許卜隱青門真得趣蕙帳空閒
鶴怨來何暮莫說蝸名催及戍長安城下鋤煙雨

如夢令

淵明行徑

苔徑獨行清
畫瑟松風如舊出
岫本無心遲種門前
楊柳回首回首籬下
白衣來否

醜奴兒

子母猿

山人去後知何處
風月清虛來往無拘戲
引兒孫樂有餘
懸厓挂樹如相語
常守枯株久與人疎
閒了當年

一卷書

浣溪紗

雙筍

空色莊嚴玉版師老斑遮護錦綳兒只愁一夜被風吹
潤處似沾簣谷雨斫來如帶渭川泥從空托出鎮帷
犀

清平樂

平原放馬

轡搖銜鐵蹴踏平原雪
勇趁軍聲曾汗血
間過昇平時
節
茸茸春草天涯
涓涓野水晴沙
多少驂騑老去至
今猶困鹽車

木蘭花慢

二分春到柳青未了
欲婆娑甚書劍飄零
身猶是客歲
月頻過西湖故園在否
怕東風今日落梅多
抱瑟空行
古道盟鷗頓冷清波
知麼老子狂歌心未歇
鬢先皤
歎敝却貂裘驅車萬里
風雪關河燈前恍疑夢
醒好依

然只着舊漁蓑流水桃花漸暖酒船不去如何

長相思

贈別笑倩

別本作書寄笑倩
柔香以致別意

去來心短長亭只隔中間一片雲不知何處尋
悶還顰恨還嗔同是天涯流落人此情煙水深

南樓令

有懷西湖且嘆客遊之漂泊

湖上景消磨飄零有夢過問堤邊春事如何可是而今

張緒老見說道柳無多
客裏醉時歌尋思安樂窩買
扁舟重緝漁蓑欲趁桃花流水去又却怕有風波

清平樂

題倦耕圖

一犁初卸息影斜陽下角上漢書何不掛老子近來慵
跨煙村草樹離離臥看流水忘歸莫飲山中清味怕
教洗耳人知

滿江紅

近日衰遲但隨分蝸涎自足底須共紅塵爭道頓一作就

荒松菊壯志已荒圯上履正音恐是溝中木又安知幕

下有詞人歸心速書尚在憐魚腹珠何處驚魚目且

依然詩思灞橋人獨不用回頭看墮甌不愁抱石疑非

玉忽一聲長嘯出山來黃梁熟

山中白雲詞卷六

欽定四庫全書

集部

山中白雲詞

卷七
附錄

樂府指迷

詳校官編修臣周瓊

侍讀臣孫球覆勘

總校官庶吉士臣何思鈞

校對官中書臣金光悌

謄錄監生臣黃廷璧

欽定四庫全書

山中白雲詞卷七

宋 張炎 撰

法曲獻仙音

題姜子野雪溪圖

梅尖黃昏雁驚白晝脈脈斜飛雲表絮不生萍水疑浮

玉此景正宜舒嘯

一作清眺

記夜悄曾乘興何必見安道

繫船好想前村未知甚處吟思苦誰遊灞橋路杳清飲
一瓢寒又何妨分傍茶竈野屋蕭蕭任樓中低唱人笑

漸東風解凍怕有桃花流到

浣溪紗

寫墨水仙二紙寄曾心傳并題其上

昨夜藍田採玉遊向陽瑤草帶花收如今風雨不須愁
零露依稀傾鑿落碎瓊重疊綴搔頭白雲黃鶴思一作
悠悠

前調

半面妝凝鏡裏春同心帶舞掌中身因一作沾弱水褪

精神 冷豔喜尋梅共笑拈香羞與佩同紉湘臯猶有
未歸人

一枝春

為陸浩齋賦梅

竹外橫枝並闌干試數風纔一信么禽對語彷彿醉眠
初醒遙知是雪甚都把莫寒消盡清更潤明月飛來
瘦却舊時疎影 東閣漫撩詩興料西湖樹老難認和
靖晴窗自好勝事每來獨領融融向暖笑塵世萬花猶

冷須釀成一點春腴暗香在鼎

水調歌頭

寄王信父

白髮已如此歲序更駸駸化幾消息莊生天籟雍門琴
頗笑論文說劒休問高車駟馬袞袞闕黃金螳在元無
夢水競不流心絕交書招隱操惡圓箴世塵空擾脫
巾挂壁且松陰誰對紫微閣下我對白蘋洲畔朝市與
山林不用一錢買風月短長吟

南樓令

送杭友

聚首不多時
煙波又別離
有黃金應鑄
相思折得梅花
先寄我
山正在裏湖西
風雪脆荷衣
休教鷗鷺知
鬢絲絲猶混
塵泥
何日東書歸
舊隱
只恐怕種瓜遲

南鄉子

竹居

愛此碧相依
卜築西園隱逸時
三徑成陰門可款
幽棲

蒼雪紛紛冷不飛 青眼舊心知瘦節終看歲晚期人
在清風來往處吟詩更好梅花著一枝

朝中措

清明時節雨聲譁潮擁渡頭沙翻被梨花冷看人生苦
戀天涯 燕簾鶯戶雲窗霧閣酒醒啼鴉折得一枝楊
柳歸來插向誰家

采桑子

西園冷冱秋千索雨透花嚬雨過花皺近覺江南無好

春杜郎不恨尋芳晚夢裏行雲陌上行塵最是
多愁
老得人

阮郎歸

有懷北遊

鈿車驕馬錦相連香塵逐管絃瞥然飛過水秋千清明
寒食天
花貼貼柳懸懸鶯房幾醉眠醉中不信有啼
鵑江南二十年

浣溪紗

欽定四庫全書

山中白雲詞
卷七

艾蕪香消火未殘便能晴去不多寒冶遊天氣却身閒
帶雨移花渾懶看應時插柳日須攀最堪惆悵是東
闌

風入松

閏元宵

向人圓月轉分明簫鼓又逢迎風吹不老蛾兒鬧繞玉
梅猶戀香心報道依然放夜何妨款曲行春錦燈重
見麗繁星水影動梨雲今朝準擬花朝醉奈今宵別是

光陰簾底聽人笑語莫教遲了梅青

踏莎行

詠湯

瑤草收香琪花采汞冰輪碾處芳塵動竹爐湯暖火初
紅玉纖調罷歌聲送麾去茶經襲藏酒頌一盃清味
佳賓共從來采藥得長生藍橋休被瓊漿弄

鷓鴣天

樓上誰將玉笛吹山前水闊暝雲低勞勞燕子人千里

欽定四庫全書

落落梨花雨一枝 修禊近賣餚時故鄉惟有夢相隨
夜來折得江頭柳不是蘇堤也皺眉

摸魚子

春雪客中寄白香巖王信父

又孤吟灞橋深雪千山絕盡飛鳥梅花也着東風笑一
夜瘦添多少春悄悄正斷夢愁詩忘却池塘草前村路
杳看野水流冰舟閒渡口何必見安道 慵登眺脉脉
霏霏未了寒威猶自清峭終須幾日開晴去無奈此時

懷抱空暗惱料酒興歌情未肯隨人老惜花起早拚醉裏忘歸接羅更好一笑任傾倒

滿江紅

己酉春日

老子今年多準備吟牋賦筆還自喜錦囊添富頓非疇昔書冊琴棋清隊仗雲山水竹閒蹤跡任醉筇遊屐過平生千年客回首夢東隅失乘興去桑榆得且怡然一笑探梅消息天下神仙何處有神仙只向人間覓折

梅花橫掛酒壺歸白鷗識

木蘭花慢

元夕後春意盎然頗動游興呈雪川吟社諸公
錦街穿戲鼓聽鐵馬響春冰甚舞繡歌雲歡情未足早
已收燈從今便須勝賞步青青野色一枝藤落魄花間
酒侶溫存竹裏吟朋休憎短髮鬢鬢遊興懶我何曾
任蹴踏芳塵尋蕉覆鹿自笑無能清狂尚如舊否倚東
風嘯詠古蘭陵十里梅花霽雪水邊樓觀先登

前調

用前韻呈
王信父

江南無賀老看萬壑出清冰想柳思周情長歌短詠密與
傳燈山川潤分秀色稱醉揮健筆剡溪藤一語不談俗
事幾人來結吟朋堪憎我髮鬢鬢頻賦曲舊時曾但
春蚓秋蛩寒籬晚砌頗嘆非能何如種瓜種秫帶一鉏
歸去隱東陵野嘯天風雨耳翠薇深處孫登

浪淘沙

寒食不多時燕燕纔歸杏花零落水痕肥淺碧分山初過

雨一霎晴暉 閒折小桃枝 蛺蝶也相隨 晚妝不合 整蛾眉 驀忽思量 張敞畫又被愁知

臨江仙

懷辰州教授趙學舟

一點白鷗何處去 半江潮落沙虛 淡黃柳上月痕初 遐觀情悄悄 凝想步徐徐 每一相思千里夢 十年有此相疎 休休寄雁問何如 如何休寄雁 難寫絕交書

壺中天

遶枝倦鵲 鬢蕭蕭肯信 如今猶客 風雪荷衣寒葉補 一

點燈花懸壁萬里舟車十年書劒此意青天識泛然身
世故家休問清白却笑醉倒山翁石牀飛夢不入槐
安國只恐溪山遊未了莫嘆飄零南北袞袞江橫鳴鳴
歌罷渺渺情何極正無聊賴天風吹下孤笛

謁金門

晚晴薄一片杏花零落縱是東風渾未惡二分春過却
可怪寒生池閣下了重重簾幙忽見舊巢還是錯燕
歸何處著

清平樂

采芳人杳頓覺遊情少
客裏看春多草草總被詩愁分
了
去年燕子天涯今年燕子誰家
三月休聽夜雨如今不是催花

漁家傲

病中未及過毘陵

門掩新陰孤館靜
楊花却解來相趁
幾日方知因酒病
無慘甚脫巾挂壁將書枕
見說落紅堆滿徑
不知何

處遊人盛自笑扁舟猶未定清和近尋詩已約蘭陵令
前調

辛苦移家聊處靜掃除花徑歌聲趁也學維摩閒示病
迂疎甚松風兩耳和衣枕頗倦扶筇尋捷徑東牆藹
藹紅香盛少待搖人波自定蓬壺近且呼白鶴招韓令
壺中天

白香巖和東坡韻賦梅

苔根抱古透陽春挺挺林間英物隔水笛聲那得到斜



日空明絕壁半樹籬邊一枝竹外冷豔陵蒼雪淡然相
對寓花無此清傑還念庾嶺幽情江南聊折贈行人
應發寂寂西窗閒弄影深夜寒燈明滅且浸芳壺休簪
短帽照見蕭蕭髮幾時歸去朗吟湖上香月

南樓令

題聚仙圖

曾記宴蓬壺尋思認得無醉歸來事已模糊忽對畫圖
如夢寐又因甚下清都拍手笑相呼應書縮地符恐

想一作

人間天上同途隔水一聲何處笛正月滿洞庭湖

清平樂

題墨仙雙清圖

丹丘瑶草不許秋風掃記得對花曾被惱猶似前時春
好湘臯閒立雙清相看波冷無聲獨說長生未老不
知老却梅兄

浪淘沙

余畫墨水仙并題其上

回雪欲婆娑淡掃修蛾盈盈不語奈情何應恨梅兄礬
弟遠雲隔山阿弱水夜寒多帶月曾過羽衣飛過染
餘波白鶴難招歸未得天闊星河

西江月

題墨水仙

縹緲波明洛浦依稀玉立湘皋獨將蘭蕙入離騷不識
山中瑤草月照英翹楚楚江空醉魄陶陶猶疑顏色
尚清高一笑出門春老

壺中天

懷雪友

異鄉倦旅問扁舟東下歸期何日琴劍空隨身萬里天
地誰非行客李杜飄零羊曇悲感回首俱陳迹羈懷難
寫豆蟲吟破孤寂柳外門掩疎陰佳人何處溪上蘋
花白留得一方無用月隱隱山陽聞笛舊雨不來風流
雲散惟有長相憶雁書休寄寸心分付梅驛

甘州

和袁靜春入杭韻

聽江湖夜雨十年燈孤影尚中洲對荒涼茂苑吟情渺
渺心事悠悠見說寒梅猶在無處認西樓招取樓邊月
同載扁舟 明日琴書何處正風前墜葉草外閒鷗甚
消磨不盡惟有古今愁總休問西湖南浦漸春來煙水入
天流清遊好醉招黃鶴一嘯清秋

風入松

與王彥常遊會仙亭

愛閒能有幾人來松下獨徘徊清虛冷淡神仙事笑名
場多少塵埃漱齒石邊危坐洗心易裏舒懷劃然長
嘯白雲堆更待月明陪一瓢春水山中飲喜無人踏破
蒼苔開了桃花半樹此遊不是天台

前調

酌惠山泉

一瓢飲水曲肱眠此樂不知年今朝忽上龍峰頂却元
來有此甘泉洗却平生塵土慵遊萬里山川照人如

鑑止如淵古竇暗涓涓當時桑苧今何在想松風吹斷
茶煙着我白雲堆裏安知不是神仙

浪淘沙

題陳汝朝白鷺畫卷

玉立水雲鄉爾我相忘披離寒羽庇風霜不趁白鷗遊
海上靜看魚忙應笑我淒涼客路何長猶將孤影侶
斜陽花底鷗行無認處却對秋塘

祝英臺近

題陸壺天水墨蘭石

別本壺天作湖山

帶飄飄衣楚楚空谷飲甘露一轉

一作不信

花風蕭艾遠

一作

清氣

如許細看息影雲根淡然詩思曾否被生香輕誤

一作寄一點生香何處

此中趣能消幾筆幽竒羞掩衆

一作羣

芳

譜薜老苔荒山鬼竟無語夢遊忘了江南故人何處

一作

但愁騷客淒涼行吟澤畔

聽一片瀟湘夜

一作風

雨

臺城路

夏壺隱壁間李仲賓寫竹石趙子昂作枯木娟

淨峭拔遠返古雅余賦詞以述二妙

老枝無着秋聲處蕭蕭倦聽風雨暗飲春腴欣榮晚節
不載天河人去心存太古喜冰雪相看此君欲語共倚
雲根歲寒羞並歲寒所當年曾見漢館捲簾頻坐對
飛夢湘楚歎我重來何堪如此落葉空江無數盤桓屢
撫似冉冉吹衣頗疑非霧素壁高堂晉人清幾許

山中白雲詞卷七

欽定四庫全書

山中白雲詞卷八

宋 張炎 撰

長亭怨

別陳行之

跨匹馬東瀛煙樹轉首十年旅愁無數此日重逢故人
猶記舊遊否雨今雲古更秉燭渾疑夢語袞袞登臺嘆
野老白頭如許 歸去問當初鷗鷺幾度西湖霜露漂
流最苦便一似斷蓬飛絮情可恨獨棹扁舟浩歌向清

風來處有多少相思都在一聲南浦

憶舊遊

寓毘陵有懷澄江舊友

笑銘崖筆倦訪雪舟寒覓里尋隣半掩閒門草看長松
落蔭舊榻懸塵自憐此來何事不為憶鱸蓴但回首當
年芙蓉城裏勝友如雲思君度遙夜謾疑是梅花簷
下空巡蝶與周俱夢折一枝聊寄古意殊真渺然望極
來雁傳與異鄉春尚記得行歌陽關西出無故人

踏莎行

郊行值遊女以花擲水余得之戲作此解

花引春來手擎春住芳心一點誰分付微歌微笑驚思

量瞥然拋與

一作下

東流去

帶潤偷拈和香密護歸時

自有畱連處不隨煙水不隨風不教輕

一作更

把劉郎誤

浪淘沙

作墨水仙寄張伯雨

香霧濕雲鬟蕊珮珊珊酒醒微步晚波寒金鼎尚存丹

已化雪冷虛壇 遊冶未知還鶴怨空山
瀟湘無夢繞
一作憶 藜蘭碧海茫茫歸不去却在人間

西江月

前題

落落奇花未吐離離瑤草偏幽蓬山元是不知秋却笑
人間春瘦 瀟灑寒犀麈尾玲瓏潤玉搔頭半窗晴日
水痕收不怕杜鵑啼後

珍珠令

桃花扇底歌聲香愁多少便覺道花陰閒了因甚不歸
來甚歸來不早 滿院飛花休要掃待留與薄情知道
別本疊知
道二字 怕一似飛花和春都老

壺中天

壽月溪

波明畫錦看芳蓮迎曉風弄晴碧喬木千年長潤屋清
蔭圖書琴瑟龜甲屏開蝦鬚簾捲瑤草秋無色和薰蘭
麝一作
萊砌絲衣歡擁詩伯 溪上燕往鷗還筆牀茶竈節

竹隨游屐閒似神仙閒最好未必如今閒得書染芝香
驛傳梅信次第來雲北金尊須滿月光長照歌一作秋席

摸魚子

為卞南仲賦月溪

遡空明霽蟾飛下湖湘難辨遙樹流來那得清如許不
與衆流東注浮淨一作玉宇任消息虛盈壺內藏今古停

杯問取甚玉笛移宮銀橋散影依舊廣寒府休凝佇
鼓枻漁歌在否滄浪渾是煙雨黃河路接銀河路炯炯

近

一作去

天尺五還自語奈一寸閒心不是安愁處凌風

遠舉趁冰玉光中排雲萬里秋艇載詩去

好事近

贈笑倩

蔥蒨

一作愁倩

滿身雲酒暈淺融香頰水調數聲嫺雅把芳

心偷

一作徐

說風吹裙帶下堦遲驚散雙

一作雨

蝴蝶佯

撚花枝微笑溜晴波一瞥

小重山

煙竹圖

別本作煙
鎖簷簷谷

卷八

陰過雲根冷不移古林疎

一作深

又密色依依何須噴飯

笑當時簷簷谷盈尺小鵝溪

展玩似堪疑楚山從此

去望中迷不知何

一作那

處倚湘妃空江晚長笛一聲吹

蝶戀花

秋鶯

求友林泉深密處弄舌調簧如問春何許燕子先將雛
燕去淒涼可是歌來暮喬木蕭蕭梧葉雨不似尋芳

翻落花心露認取門前楊柳樹數聲須入新年語

南樓令

壽月溪

天淨雨初晴秋清人更清滿吟窗柳思周情一片香來

松桂下長聽得讀書聲

閒處卷

一作養

黃庭年年兩鬢

青佩芳蘭不

一作懶

繫塵纓傍取溪邊端正月對玉兔話

長生

風入松

溪山堂竹

別本作子昂
竹石卷子

新篁依約珮初搖
老石潤山腰
逸人未必猶酣酒
正溪頭風雨蕭蕭礪齒猶隨市
隱虛心肯受春招
從教三徑入漁樵
對此覺塵消
娟枝冷葉無多子
伴明窗書卷詩瓢清一作濃
過炎天梅蕊淡
欺雪裏芭蕉

踏莎行

跋伯時弟撫松寄傲詩集

水落槎枯田荒玉碎
夜闌秉燭驚相對
故家文物已無

傳一燈却照清江外
色展天機光搖海貝錦囊日月
奚童背重逢何處撫孤松共吟風月西湖醉

聲聲慢

中吳感舊

因風整帽借柳維舟

陸輔之詞旨風作花舟作船

休登故苑荒臺去

歲何年游處半入蒼苔白鷗舊盟未冷但寒沙空與愁
堆謾嘆息問西風灑淚不忍徘徊眼底江山猶在把
冰絃彈斷苦憶顏回一點歸心分付布韉青鞵相尋已

期到老那知人如此情懷悵望久海棠開依舊燕來

前調

重過垂虹

闕

聲短棹柳色長條無花但覺風香萬境天開逸興縱

我清狂白鷗更閒似我趁平蕪飛過斜陽重嘆息却如
闕何不夢裏黃梁一自三高非舊把詩囊酒具千古

淒涼近日煙波樂事盡逐漁忙山橫洞庭夜月似瀟湘
不似瀟湘歸未得數清遊多在水鄉

前調

寄葉書隱

百花洲畔十里湖邊沙鷗未許盟寒舊隱琴書猶記渭
水長安蒼雲數千萬疊却依然一笑人間似夢裏對清
尊白髮秉燭更闌 渺渺煙波無際喚扁舟欲去且與
憑闌此別何如能消幾度陽關江南又聽夜雨怕梅花
零落孤山歸最好甚閒人猶自未閒

木蘭花慢

歸隱湖山書寄陸處梅

二分春是雨采香徑綠陰鋪正私語晴蛙于飛晚燕閒
掩紋疏流光慣欺病酒問楊花過了有花無啼鴂初聞
院宇釣船猶繫菰蒲林逋樹老山孤渾忘却隱西湖
嘆扇底歌殘蕉間夢醒難寄中吳秋痕尚懸鬢影見蓴
絲依舊也思鱸黏壁蝸涎幾許清風只在樵漁

清平樂

蘭曰國香為哲人出不以色香自眩乃得天之清

者也楚子不作蘭今安在得見所南翁紙上
數筆斯可矣賦此以紀情事云

三花一葉比似前時別煙水茫茫無處說冷却西湖風
月貞芳只合深山紅塵了不相關留得許多清影幽
香不到人間

前調

贈雲麓道人

不了都被紅塵老一粒粟中休道好弱水竟通蓬

島孤雲漂泊難尋如今却在

關

莫趁清風出岫此

中方是無心

前調

題平沙落雁圖

平沙流水葉老蘆花未落雁無聲還有字一片瀟湘古
意扁舟記得幽尋相尋只在寒林莫趁春風飛去玉
關夜雪猶深

臨江仙

甲寅秋寓吳作墨水仙為處梅吟邊清玩時余
年六十有七看花霧中不過戲縱筆墨觀者
出門一笑可也

剪剪春冰出萬壑和春帶出芳叢誰分弱水洗塵紅低
回金叵羅約畧玉玲瓏昨夜洞庭雲一片朗吟飛過
天風戲將瑤草散虛空靈根何處覓只在此山中

思佳客

題周草窗武林舊事

夢裏瞢騰說夢華
鶯鶯燕燕已天涯
蕉中覆處應無鹿
漢上從來不見花
今古事古今嗟
西湖流水響琵琶
銅駝煙雨棲芳草
休向江南問故家

清平樂

別苗仲通

柳間花外日日離人
淚憶得樓心和月醉
落葉與愁俱
碎如今一笑吳中眼
青猶認衰翁先泛扁舟
煙水西湖多定相逢

前調

過金桂軒墳園

闕

晴樹寒食無風雨記得當時遊冶處桂底一身香
露神仙只在蓬萊不知白鶴飛來乘興飄然歸去嗔
人踏破蒼苔

風入松

久別曾心傳近會於竹林清話歡未足而離歌
發情如之何因作此解時至大庚戌七月也

滿頭風雪昔同遊同載月明舟回來又續西湖夢繞江南
那處無愁贏得如今老大依然只是飄流故人剪
燭對花謳不記此身浮征衣冷落荷衣暖徑雖荒也合
歸休明

闕

煙水相思却在并州

漁歌子

張志和與余同姓而意趣亦不相遠庚戌春自
陽羨牧溪放舟過晝溪作漁歌子十解述
古調也

丁卯灣頭屋數間放船收盡一溪山聊適興且怡顏問
天難買是真閒

二

闕

溪流緊緊籬邊一葉舟沽酒去閉門休從

此清閒不屬鷗

三

闕

白雲多童子貪眠枕綠蓑莞爾笑浩然歌奈

此蕭蕭落葉何

四

闕

半樹梅捲簾一色玉蓬萊宜嘯詠莫徘徊乘
興扁舟好去來

五

闕

子同更無人說老漁翁來往事有無中却
恐桃源自此通

六

闕

求魚釣不得魚還自如塵事遠世人疎何

須更寫絕交書

七

闌

濯塵纓嚴瀨磻溪有重輕
多少事古今情今

人當似古人清

八

闌

浮家蓬底光陰鬢未華
停短棹艤平沙流

來恐是杏壇花

九

闕

孤村路隔塵寰水到門斜照散遠雲昏白

鷺飛來老樹根

十

闕

年酒半酣知魚知我靜中叅峰六六徑三三此

懷難與俗人談

一剪梅

悶蕊驚寒減豔痕蜂也消魂蝶也消魂醉歸無月傍黃昏
知是花村知是前村 留得閒枝葉半存好似桃根不

似桃根小樓昨夜雨聲渾春到三分秋到三分

南鄉子

野色一橋分活水流雲直到門落葉堆籬從不掃開罇
醉裏教兒誦楚文隔斷馬蹄痕商鼎熏花獨自聞吟
思更添清絕處黃昏月白枝寒雪滿村

清平樂

過吳見屠存博近詩有懷其人

別本屠作吳

五湖一葉風浪何時歇醉裏不知花影別依舊空山明

月夜深鶴怨歸遲此時那處堪歸門外一株楊柳折
來多少相思

柳梢青

清明夜雪

一夜凝寒忽成瓊樹換却繁華因甚春深片紅不到綠
水人家眼驚白晝天涯空望斷塵香鈿車獨立東風
曲闌惆悵莫是梨花

南歌子

陸義齋燕喜亭

窗密春聲聚花多水影重只留一路過東風圍得生香
不斷錦熏籠月地連金屋雲樓瞰翠蓬惺鬆笑語隔
簾櫳知是誰調鸚鵡柳陰中

青玉案

閒居

萬紅梅裏幽深處甚杖屨來何暮草帶湘香穿水樹塵
留不住雲留却住壺內藏今古獨清懶入終南去有

忙事修花譜
騎省不須重作賦
園中成趣
琴中得趣
酒醒聽風雨

山中白雲詞卷八